

Nd.

## 868. Nefndarálit

um frv. til laga um breyting á l. nr. 48 23. febrúar 1945, um skipakaup ríkisins.

Frá minni hl. fjárhagsnefndar.

Frumvarpi þessu var vísað til fjárhagsnefndar 8. dag októbermánaðar árið 1945, en var ekki tekið þar til umræðu fyrr en rúmlega hálfu ári síðar, eða mánuðaginn næstan fyrir pásku árið 1946, sem bar upp á 15. apríl.

Þegar málid var loks tekið fyrir í nefndinni, óskaði ég þess, að leitað yrði upplýsinga hjá ríkisstjórninni um hvað búið væri að semja um smiði á mörgum skipum samkv. þessum bráðabirgðalögum, hvert væri umsamið verð þeirra og hvort búið væri að gera samninga um sölu á einhverju af skipunum. Meiri hluti nefndarinnar ákvað hins vegar að afgreiða málid þá þegar á fundinum, án þess að leita nokkura upplýsinga um það.

Ég verð að átelja mjög þau vinnubrögð, sem hér eru viðhöfð. Frumvarpið er látið liggja hjá nefndinni óafgreitt í 189 daga, án þess að það sé nokkru sinni tekið til umræðu allan þann tíma, en þegar formaður nefndarinnar ákveður loks að taka málid fyrir, neitar meiri hluti nefndarinnar að leita upplýsinga, sem þingmönnum er nauðsynlegt að fá til þess að geta myndað sér skoðanir um efni frumvarpsins, þótt slikra upplýsinga ætti að mega afla á 1 eða 2 klukkustundum.

Það er þó kunnugt, að ríkisstjórnin hefur gert bindandi samninga um smiði á nokkrum bátum, samkv. þessum bráðabirgðalögum, og verður þeim ráðstöfunum ekki breytt héðan af. En takist að fá nauðsynlegar upplýsingar um málid, áður en það verður afgreitt frá deildinni, mun ég flytja breytingartillögur við frv., eftir því sem mér kann að þykja ástæða til.

Alþingi, 15. apríl 1946.

Skúli Guðmundsson.